



Magne Alpen

Saksbehandlar, innvalstelefon

Øistein Aasland, 5557 2322

Forlenging av frist for ferdigstilling - Riving av eksisterande fritidshytte og oppføring av ny på gnr 15, bnr 14 - Viveli i Eidfjord kommune - Hardangervidda nasjonalpark

Statsforvaltaren i Vestland gjev Ina Marthe og Magne Alpen forlenga frist for riving av eksisterande fritidshytte og oppføring av ny på gnr 15, bnr 14 - Viveli i Eidfjord kommune etter verneforskrifta for Hardangervidda nasjonalpark – jf. tidlegare løyve gitt i vedtak av 19. mars 2018 (vår ref. 2018/1238).

Det er berre tidsfristen i det opphavlege løyvet, datert 19. mars 2018 som vert endra. Ny tidsfrist vert sett til 19. april 2022. Dei andre vilkåra som vart satt i det opphavlege løyvet gjeld framleis.

Vi viser til søknad frå Magne Alpen, sendt den 8. januar 2020, der han søker om forlenging av byggjeløyve, og til det opphavlege løyvet, (vår ref. 2018/1238), datert 19. mars 2018, og til saksdokumenta i samband med den opphavlege søknaden.

Bakgrunn for søknaden

Ina Marthe og Magne Alpen fekk løyve til å riving av eksisterande fritidshytte og oppføring av ny på gnr 15, bnr 14 - Viveli i Eidfjord kommune etter verneforskrifta for Hardangervidda nasjonalpark gjennom vårt løyve datert 19. mars 2018. Magne Alpen står som søkjar og tiltakshavar til saka.

Alpen skriv at han diverre har «mistyda» tidsfristen og tenkte at det stod 2021 og ikkje 2020. Han har «levd i god tru» om at han framleis hadde eit år igjen av fristen.

Magne Alpen skriv at årsaka til at prosjektet ikkje er slutført er todelt: 1) Som sjølvbyggjar har han undervurdert arbeidsomfanget og tidsbruken. 2) Restriksjonar knytt til opphald/arbeid på hytta vinteren 2020 grunna Covid-19, medførte at ein ikkje fekk transportert inn byggjevarer eller jobba med prosjektet slik planen var. Han søker difor om utsetjing av frist for ferdigstilling til 01. mai 2022. Årsaka til at han ynskjer denne datoen, er for å kunne nytte påska 2022 til å transportera ut dei siste restane av rivningsavfall, verktøy og anna overflødig byggjematerialar på snøføre.



Vår vurdering

Statsforvaltaren viser til det opphavlege løyvet av 19. mars 2018, og ser ikkje at ei forlenging av løyvet vil råke verneverdiane på nokon negativ måte. Fristen er sett for at ikkje byggeprosessen skal dra ut i tid, og at arbeidet skal bli ståande halvferdig over lang tid. Vi har forståing for at korona pandemien har skapt problem for framdriftsplanane i byggearbeidet, og finn difor at det er uproblematisk at Ina Marthe og Magne Alpen får forlenga løyvet etter verneforskrifta.

Vedtak

Statsforvaltaren i Vestland gjev Ina Marthe og Magne Alpen forlenga frist for riving av eksisterande fritidshytte og oppføring av ny på gnr 15, bnr 14 - Viveli i Eidfjord kommune etter verneforskrifta for Hardangervidda nasjonalpark – jf. tidlegare løyve gitt i vedtak av 19. mars 2018 (vår ref. 2018/1238).

Det er berre tidsfristen i det opphavlege løyvet, datert 19. mars 2018 som vert endra. Dei andre vilkåra som vart satt i det opphavlege løyvet gjeld framleis.

Det vert sett ny frist for å ferdigstille arbeidet:

- Byggjearbeid og riving skal vere avslutta og plassen rydda **innan 19. april 2022**.

Vedtaket kan påklagast til Miljødirektoratet av part i saka eller andre med rettsleg klageinteresse, jf. forvaltningslova § 28. Klagefrist er 3 veker etter at ein er kjent med vedtaket. Klage skal stilast til Miljødirektoratet, men skal sendast til Statsforvaltaren i Vestland.

Med helsing

Stein Byrkjeland
fagdirektør

Øistein Aasland
seniorrådgjevar

Dokumentet er elektronisk godkjent

Kopi til:
Eidfjord kommune
Tilsynsutvalet i Vestland - for Hardangervidda nasjonalpark
Villreinområdet for Hardangerviddaområdet
Vestland fylkeskommune
SNO - Rosendal
Miljødirektoratet